

**ZAPISNIK  
SA 29 PROŠIRENE ON LINE SJEDNICE UPRAVNOG ODBORA  
UDRUŽENJA POSLODAVACA FBIH**

**održane dana 02.02.2022. godine (srijeda), sa početkom u 10:00 sati, putem ZOOM aplikacije**

**Sjednici su prisustvovali članovi Upravnog odbora UPFBiH:** Adnan Smailbegović, Šejla Bojadžija, Nurdin Peštalić, Safudin Čengić, Želimira Čambera, Krasnodar Petrović, Kemal Čolak, Ante Suton, i Suad Ećo.

**Sjednici su po ovlaštenju članova Upravnog odbora UPFBiH prisustvovali:** Josip Milas (po ovlaštenju Ivana Ljubić), Esad Pelidija (po ovlaštenju Rusmira Hrvica), Ivica Rotim (po ovlaštenju Vilima primorca), Denis Bešić (po ovlaštenju Snježane Kopruner), Adnana Sirovica (po ovlaštenju Adise Karahodžić), Nihad Begić (po ovlaštenju Stjepana Kumrića), Darko Josipović (po ovlaštenju Admira Suljevića) i Lejla Hasić (po ovlaštenju Nijaza Skenderagića).

**Sjednici nisu prisustvovali članovi Upravnog odbora UPFBiH:** Jadranka Penava, Ramiz Grapkić, i Eldin Hadžiselimović.

**Sjednici su pored članova UO** članovi ESV-a Edin Ibrahimpašić i Zoran Gazibarić, te predsjednici Grupacija, članovi UO KS i predstavnici drugih kompanija iz FBIH.

**Ispred UP FBIH:** Mladen Pandurević i Mersiha Jusić.

Sjednicu je otvorio predsjednik Adnan Smailbegović i predložio slijedeći:

**DNEVNI RED**

1. Usvajanje Zapisnika sa 28. proširene sjednice Upravnog odbora UP FBIH;
2. Cijena električne energije;
3. Prijedlog Zakona o minimalnoj plati;
4. Razmatranje i usvajanje Odluke o imenovanju predstavnika UPFBiH u UO FIPA-a;
5. Razmatranje i usvajanje Odluke o imenovanju Upravnog odbora Poslovnog trening centra UPFBiH“;
6. Razmatranje i usvajanje Odluke o prekidanju pregovora za zaključivanje Kolektivnog ugovora o pravima i obavezama poslodavaca i radnika za djelatnost hemije i nemetala;
7. Tekuća pitanja
  - Učešće UPFBiH u Projektu „Praćenje tokova korozivnog kapitala II“

- Odluka o razrješenju člana UO Velinke Lujinović i imenovanju člana UO Admira Suljevića;
- Odluka o finansiranju Poslovnog trening centra UPFBiH

**Dnevni red je usvojen jednoglasno.**

#### **RASPRAVLJANJE PO TAČKAMA DNEVNOG REDA:**

##### **Tačka 1. Usvajanje zapisnika sa 28 proširene sjednice UO UP FBiH**

Predsjednik je obavijestio članove UO UP FBiH da su dobili materijale za sve tačke dnevnog reda uključujući i Zapisnik i zamolio da se izjasne da li imaju primjedbi. Također je napomenuo da je zapisnik dostavljen odmah nakon održavanja sjednice svim članovima UO i da na pomenuti zapisnik nije bilo pismenih primjedbi.

**A.D.1.1: Zapisnik sa 28. Proširene on line sjednice UO UP FBiH je jednoglasno usvojen.**

##### **Tačka 2. Cijena električne energije**

Vezano za ovu tačku dnevnog reda predsjednik Adnan Smailbegović je upoznao prisutne sa problemima sa kojima se susreću poslodavci.

Naime, prvi problem je bio da je Elektroprivreda BiH svim kompanijama koje nisu potpisale ugovor do 31.12.2021. godine dostavljala Ugovore u kojima ih stavlja na rezervno snabdijevanje 60 dana u kojima bi cijene bile i do 500 % veće od cijena koje je svojom Odlukom ograničila Vlada Federacije BiH. UPFBiH je u cilju rješavanja navedenog problema 28. januara održalo sastanak u Energoinvestu na kojem je bilo oko 100 poslodavaca i zatražilo od EP BiH da poštuje Odluke Parlamenta FBiH i Vlade FBiH.

Poslodavci su shodno zaključcima sa sastanka ugovore o rezervnom snabdijevanju vratili JP Elektroprivredi BiH, uz zahtjev da se dostavi ugovor o rezervnom snabdijevanju zaključno sa 05.01.2022. godine, te ugovor o snabdijevanju električnom energijom počev od 06.01.2022. godine u skladu sa Zakonom o dopunama Zakona o električnoj energiji i Odlukom Vlade Federacije BiH o ograničavanju povećanja cijena snabdijevanja električnom energijom

Međutim, prema informacijama članica i prisutnih na UO, kompanijama u Federaciji BiH čiji je snabdjevač Elektroprivreda BiH u posljednja dva dana stižu ugovori za snabdijevanje električnom energijom sa bitno izmijenjenim sadržajem u odnosu na prošlu godinu. Od kompanija se naime traži da do 20-og u mjesecu najave koliko će električne energije potrošiti u narednom mjesecu. Za svako prekoračenje potrošnje ili manju potrošnju električne energije od najavljene, kompanije će plaćati penale po tržišnim cijenama. Također, u slučaju bilo kakvog kvara ili zaustavljanja

pogona EPBiH, ovo javno poduzeće će nabavljati električnu energiju po berzanskim cijenama, a sve troškove nabavke i prenosa snosile bi kompanije. Zbog toga, cijena električne energije za kompanije ne bi bila skuplja za 20, nego preko 50 posto.

Na ovaj način JP EP BiH pored toga što krši Zakon o dopunama električne energije derogira i odluka zastupnika i delegata oba doma Parlamenta FBiH. Kao još jedan dokaz samovoljnog ponašanja Elektroprivrede BiH je njihovo odbijanje da nastave isporučivati električnu energiju kompaniji ArcelorMittal d.o.o. Zenica.

U isto vrijeme je Elektroprivreda HZ HB, koja je također u vlasništvu FBiH, kao i Elektroprivreda BiH, svojim potrošačima uručila fakture za električnu energiju za januar mjesec po istim cijenama i istim uvjetima koji su važili u prošloj godini. A novi ugovori koji važe od 1. februara ove godine su u potpunosti u skladu sa Zakonom o dopuni Zakona o električnoj energiji u FBiH.

U diskusiji su učestvovali svi prisutni na sjednici i jedinstven stav je da ponuđeni Ugovori JP EP BiH nisu u skladu sa Zakonom te da ne mogu ispoštovati član 4. i član 9. ponuđenih Ugovora, ali da su primorani potpisati Ugovore koje je ponudila JP EP BiH.

Nakon veoma otvorene diskusije u kojoj su učestvovali svi prisutni doneseni su sljedeći zaključci:

**A.D. 2.1 Udruženje poslodavaca FBiH će zatražiti autentično tumačenje od Parlamenta FBiH za član 16 a Zakona o dopuni Zakona o električnoj energiji u FBiH.**

**A.D. 2.2 UPFBiH će zatražiti od nadležnih institucija da promjeni propis kojim se reguliraju zatvaranja pojedinih blokova termoelektrana te da se omogući njihovo privremeno stavljanje u funkciju po potrebi.**

**A.D. 2.3. Svi koji potpišu ponuđeni Ugovor od strane Elektroprivrede BiH, obavezno trebaju uz potpisani Ugovor napraviti dopis u kojem navode da su bili prinuđeni da zaključe takav Ugovor, ali da će to pitanje sa pojedinačnim ili kolektivnim tužbama pravno riješiti putem suda.**

**A.D. 2.4. Potpuno je neprimjereno odbijanje Elektroprivrede BiH da nastavi da isporučuje električnu energiju Arcelor Mittalu d.o.o. Zenica.**

**A.D. 2.5. UPFBiH će pripremiti i uputiti prijavu EP BiH Konkurencijskom vijeću zbog zloupotrebe dominantnog položaja na tržištu.**

**A.D. 2.6. Traži se hitna vanredna sjednica Vlade FBiH u roku od tri dana na ovu temu, na koju će biti pozvani i predstavnici Udruženja poslodavaca FBiH.**

**A.D. 2.7. UPFBiH će se pismeno obratiti predsjednicima oba Doma Parlamenta Federacije BiH.**

**A.D. 2.8. Ukoliko preduzete aktivnosti ne daju rezultate UPFBiH će razmotriti pitanje obustava proizvodnje**

**A.D. 2.9. UPFBiH traži razumjevanje od građana zbog toga što će poslodavci biti prinuđeni da zbog navedene situacije bitno povećaju cijene proizvoda, biće prinuđeni da smanje plaće zaposlenicima i zbog toga što će zbog zatvaranja određenih pogona jedan dio ljudi ostati bez posla.**

**A.D. 2.10. UPFBiH traži smjenu Admir Anđeliće, direktora Elektoprivrede BiH.**

**A.D. 2.11. UO UPFBiH je donio Odluku o isključivanju Elektoprivrede BiH iz članstva Udruženja poslodavaca FBiH.**

### **Tačka 3. Prijedlog Zakona o minimalnoj plati;**

Vezano za ovu tačku dnevnog reda direktor Mladen Pandurević je upoznao prisutne da postoje 2 problema vezano za minimalnu plaću.

Prvi problem je da je u parlamentarnu proceduru upućen Nacrt Zakona o minimalnoj plaći od strane SDP- a koji su potpisali svi Klubovi zastupnika. Prema prijedlogu minimalna plata za 2022. godinu sa svim primanjima bi iznosila oko 1.100 KM, što je veće od Hrvatske.

Drugi problem je objava Pravilnika o izmjeni pravilnika o načinu obračunavanja i uplate doprinosa u Službeni novinama FBiH 6/22. Prema navedenom Pravilniku minimalna plata nije 543 KM već se na taj iznos dodaje porez na dohodak koji ide na teret poslodavca. Na ovaj način radnici bi dobili različite iznose u zavisnosti od koeficijeta a to je u suprotnosti sa Zakonom o radu koji definiše da je poslodavac dužan radnicima isplatiti jednake plaće za rad jednake vrijednosti.

Stav UPFBiH je da je Odluka neustavna, da Zakon o minimalnoj plaći nije bio na ESV-u, Pravilnikom se definiše materijalno a ne procesno pravo te da je to u suprotnosti sa Zakonom. U tom smislu UPFBiH je angažovao stručnjake koji će govoriti na ovu temu 08.02.2022. godine, te da će ovo pitanje biti raspravljano na pravnom i ekonomskom savjetu.

U diskusiji su učestvovali svi prisutni koji su naglasili da plata od 1.100 KM je neralana te da je potrebno reagovati po ovom pitanju

Nakon veoma otvorene diskusije u kojoj su učestvovali svi prisutni doneseni su sljedeći zaključci:

**A.D. 3.1. UPFBiH će pripremiti i Ministarstvu finansija i Vladi FBiH uputiti primjedbe na Pravilnik o izmjeni Pravilnika o načinu obračunavanja i uplate doprinosa.**

**A.D. 3.2. UPFBiH će organizovati sastanak pravnog i ekonomskog savjeta UPFBiH na temu minimalne plaće i navedenog Pravilnika.**

### **Tačka 4. Razmatranje i usvajanje Odluke o imenovanju predstavnika UPFBiH u UO FIPA-a;**

Predsjednik Adnan Smailbegović je istakao da sadašnjem članu UO FIPA-e gdinu. Mladenu Pandureviću, koji je imenovan ispred UPFBiH mandat ističe 01.03.2020. godine, te da je potrebno imenovati novog predstavnika Udruženja poslodavaca u FBiH u UO FIPA-e. Dosadašnji član UO FIPA-e direktor UPFBiH Mladen Pandurević je svoju dužnost člana UO obavljao profesionalno i odgovorno.

Predsjednik je predložio da se za člana UO FIPA-e imenuje Mersihu Jusić, sekretara UPFBiH. Mersiha Jusić ima 17- godišnje iskustvo u radu Udruženja poslodavaca FBiH, te je učestvovala u mnogim radnim grupama. Stim u vezi smatra da će Mersiha Jusić profesionalno i odgovorno obavljati funkciju UO FIPA-e, te dati doprinos u radu UO.

Nakon diskusije doneseni su sljedeći zaključci:

**A.D. 4.1. Obzirom da nije bilo novih prijedloga UO UPFBiH je jednoglasno donio Odluku kojom se za člana UO FIPA-e imenuje Mersihu Jusić, sekretara UPFBiH.**

**Tačka 5. Razmatranje i usvajanje Odluke o imenovanju Upravnog odbora Poslovnog trening centra UPFBiH“;**

Vezano za ovu tačku dnevnog reda sekretar UPFBiH Mersiha Jusić je obavijestila prisutne da je u postupku registracija PTC te da je u međuvremenu shodno Zakonu o obrazovanju odraslih KS i Odluci o uspostavljanju trening centra UO UPFBiH kao osnivač trening centra u obavezi imenovati Upravni odbor Poslovnog trening centra UPFBiH. U tom smislu za članove UO PTC predlaže se Mladen Pandurević, predsjednik UO, Adnan Smailbegović, član i Mersiha Jusić, član.

Nakon diskusije doneseni su sljedeći zaključci:

**A.D. 5.1. Obzirom da nije bilo novih prijedloga UO UPFBiH je donio jednoglasnu Odluku kojim se u UO PTC imenuju Mladen Pandurević, predsjednik UO, Adnan Smailbegović, član i Mersiha Jusić, član.**

**Tačka 6. Razmatranje i usvajanje Odluke o prekidanju pregovora za zaključivanje Kolektivnog ugovora o pravima i obavezama poslodavaca i radnika za djelatnost hemije i nemetala;**

Vezano za ovu tačku dnevnog reda gdn Pandurević je obavijestio prisutne da se pregovarački timovi Udruženja poslodavaca FBiH/Grupacija poslodavaca za djelatnost hemije i nemetala i Samostalnog sindikata hemije i nemetala nakon nekoliko održanih sastanaka i skoro više od 2 mjeseca nisu uspjeli dogovoriti o spornim pitanjima.

Iako je većina članova pregovaračkog tima UPFBiH obzirom da su prihvatili brojne zahtjeve sindikata, bila uvjerena da će doći do postizanja kompromisa i zaključivanja Kolektivnog ugovora, posljednji tekst KU koji je dostavljen 17.01.2022.godine na bazi zahtjeva sindikata imao je nove zahtjeve oko kojih se pregovarački tim UPFBiH nije mogao usaglasiti i zauzeti jedinstven stav.

U tom smislu Udruženju poslodavaca FBiH obratila se predsjednica pregovaračkog tima gđa. Selma Fetahović- Zeljković sa dopisom u kojem obavještava da članovi pregovaračkog tima nemaju jedinstven stav po pitanju zaključivanja Kolektivnog ugovora za djelatnost hemije i nemetala u FBiH, te da postoje uslovi za prekidanje pregovora, te zahtjeva od UO da donese konačnu odluku o daljim aktivnostima.

Shodno navedenom, a imajući u vidu dopis predsjednice pregovaračkog tima iz kojeg se može zaključiti da nema naznaka o postizanju sporazuma o spornim pitanjima, direktor Pandurević je istakao da UO treba da donese Odluku o daljem nastavku pregovora ili o prekidanju pregovora.

Nakon diskusije donesen je sljedeći zaključak:

**A.D. 6.1. Upravni odbor je jednoglasno donio Odluku kojom se prekidaju pregovori za zaključivanje Kolektivnog Ugovora za djelatnost hemije i nemetala za teritoriju FBiH i razrješavaju se dužnosti članovi pregovaračkog tima koji su imenovani Odlukom UO broj I-082/21 od 30.06.2021. godine.**

**A.D. 6.2. Zadužuje se stručna služba da Odluku zvanično dostavi članovima pregovaračkog tima i predsjednici Samostalnog sindikata hemije i nemetala.**

### **Tačka 7. Tekuća pitanja**

Pod tekućim pitanjima raspravljalo se o:

- Učešće UPFBiH u Projektu „Praćenje tokova korozivnog kapitala II“
- Odluka o razrješenju člana UO Velinke Lujinović i imenovanju člana UO Admira Suljevića;
- Odluka o finansiranju Poslovnog trening centra UPFBiH

Nakon diskusije donoseni su sljedeći zaključci:

**A.D. 7.1. UO je jednoglasno donio Odluku o učešću UPFBiH u Projektu „Praćenje tokova korozivnog kapitala II“. Zadužuje se direktor i predsjednik UPFBiH da imenuju osobu koja će pratiti projekat.**



**A.D. 7.2. UO je jednoglasno donio Odluku kojom se Velinka Lujinović razrješava člana UO, a za novog člana UO UPFBiH imenuje se novi direktorom Sarajevskog kiseljaka Admir Suljević. Mandat imenovanog traje do isteka mandata postojećeg UO.**

**A.D. 7.3. UO je jednoglasno donio odluku kojom se daje ovlaštenje direktoru da potpiše Izjavu kojom garantuje da će UPFBiH da obezbijedi finansiranja Poslovnog trening centra UPFBiH.**

Sjednica je završena u 14: 15 sati.

Zapisnik sačinila:  
Mersiha Jusić, sekretar

PREDSJEDNIK UPRAVNOG ODBORA  
Adnan Smailbegović, s.r.